

SANTU BÈRTULU



REGIONE AUTÒNOMA DE SARDIGNA
REGIONE AUTONOMA DELLA SARDEGNA

IBERACONSULE
ISPORTELLU LINGÜSTICU
SPORTELLO LINGUISTICO



Laerru



Ossi



Martis



Uri



Ússini



Ploghe



ISTITUTO
CAMILLO
BELLIENI

CRÈSIA PARROCHIALE DE OSSI

Totu su chi ischimus de custu santu est contadu in su Vangelu.

In sos vangelos de Mateu, Marcu e Luca li narant Bèrtulu, in cussu de Giuanne, chi est su testu chi nde faeddat de prus, lu cramant in ebràicu Natanaele.

Sos istudiosos narant chi siat sa matessi persone e chi siat unu “donu de Deus”, comente narat s'etimologia de su nùmene. Bèrtulu est unu piscadore de Cana, ma connoschet bene Nazareth, chi est a unos 8 km. Un'òmine a s'antiga chi meledat cada die subra de sa Bibbia, comente narat sa lege. A printzipiu non creet a su chi Filipu li narat de Gesus ma pustis l'at a èssere fidele intre sos mezus.

Bèrtulu fiat unu de sos dòighi apòstolos chi ant sighidu a Gesus. De nadia de Cana de Galilea, non s'ischit cando est nàschidu e in ue nch'est mortu a inghèriu de su 68 pustis de Cristos. Bidu chi est de Cana si pensat chi Bèrtulu diat èssere istadu presente a su primu miràculu chi at fatu Gesus in s'afidu ma non b'at iscritu perunu chi lu cunfirmat.

Sa festa est su 24 de austu e sos cristianos lu pregant pro sanare sas maladies de sa pedde.

Sa crèsia de Santu Bèrtulu de Ossi l'ant torrada a fraigare in sos primos vinti annos de su sèculu XVII.

In custa crèsia si podent mirare istàtuas de linna de valore: Santu Bèrtulu, Santa Lughia, Sant'Antoni abate, Santu Frantziscu, Nostra Signora de su Rosàriu, Santu Zusepe e àteras.

Sa Nostra Signora de su Rosàriu l'at fata Agesilao Flora e fintzas a sa meidade de su '900 fiat onorada dae una Cunfraria chi a dies de oe non s'agatat prus.

Tocat de nàrrere carchi cosa fintzas de s'istàtua de Santu Zusepe: custa est un'òpera de su padre artista Antoni Canu chi pro sa crèsia nd'at fatu paritzas ma a dies de oe s'agatat custa ebbia.

In sa crèsia de Santu Bèrtulu de Ossi b'at fintzas pinturas de giudu, mentovamus sa pala cun *Cristo crocefisso e santi con le Anime purganti e Martirio di san Gavino* de G. Ruffino.